



PROVISIONAL INSTITUTIONS OF SELF GOVERNMENT

KUVENDI I KOSOVËS
СКУПШТИНА КОСОВА
ASSEMBLY OF KOSOVO

LIGJI Nr. 2004/29

PËR NDRYSHIMET DHE PLOTËSIMET E LIGJIT NR.2003/3 PËR PYJET E KOSOVËS

Kuvendi i Kosovës,

Në bazë të Autoritetit të dhënë sipas Krerëve 9.1.26, 9.1.44 dhe 9.1.45 të Kornizës Kushtetuese për Institucionet e Përkohëshme të Vetëqeverisjes në Kosovë .

Duke pasur parasysh nevojën për plotësimin dhe ndryshimin e ligjit nr.2003/3 për Pyjet e Kosovës për krijimin e kushteve që ligji të gjej zbatueshmëri të plotë dhe duke pasur parasysh ndryshimet me Kodin Penal të Kosovës,

Miraton :

LIGJIN PËR NDRYSHIMET DHE PLOTËSIMET E LIGJIT NR.2003/3 PËR PYJET E KOSOVËS

Neni 1

Në Ligjin nr. 2003/3 për Pyjet e Kosovës të aprovuar nga Kuvendi i Kosovës në nenin 36, pikat 36.1; 36.2; 36.3; 36.4; 36.5; dhe 36.7- fjalët “Përveq dëmeve të tjera që mund të nënshtrohen ligjit, gjyqi mund të dënoj dhe urdhërojë personin që të paguaj gjobën” fshihen dhe zëvendësohen me fjalët: “ Gjykata do ta dënoi për kundërvajtje, personin me dënim me gjobë”

Neni 2

Në nenin 36.3 pika a) shtohet e re si vijon: “ a) Prerja apo dëmtimi i një apo më shumë trungjeve në pyll me qëllim të vjedhjes apo përvetsimi i trungjeve të prera, kur sasia e druve të prera nuk i kalon dy metra kub”

Pika a) e këti neni bëhet pika b); pika b) bëhet pika c) ndërsa pika c) bëhet pika d)

Neni 3

Në nenin 36, pika 36.6 fjalët: ‘Përveq dëmeve të tjera që mund ti nënshtrohen ligjit, gjyqi mund të dënoj dhe urdhërojë prindin që të paguaj gjobën’ fshihen dhe zëvendësohen me fjalët: “Gjykata do ta dënoi për kundërvajtje, prindin me dënim me gjobë”.

Neni 4

Në nenin 36 pas pikës 36.7 të shtohet pika e re 36.8 si vijon:

“ 36.8 Për kundërvajtjet nga neni 36 pikat 36.1/a; 36.2/a dhe f; 36.3/a, b dhe c dhe 36.4/c-prerja e druve, qarkullimi, bartja, përpunimi i druve dhe prodhimeve pyjore jo drusore pa leje, shejim paraprak, dëmkë dhe leje transporti, përveç dënimit mund të shqiptohet edhe masa mbrojtëse e marrjes së sendeve që janë përdorë apo kanë qenë të destinuara për kryerjen e kundërvajtjes ose janë siguruar me kryerjen e kundërvajtjes.

Sendet nga kjo pikë mund ti marrë përkohsisht nga kryesi i kundërvajtjes, roja e pyllit, inspektori pyjor, policia dhe personat tjerë të autorizuar”.

Neni 5

Ky Ligj hynë në fuqi pas miratimit nga Kuvendi i Kosovës dhe shpalljes nga Përfaqësuesi Special i Sekretarit të Përgjithshëm.

Nr.2004/29
28 korrik 2004

Kryetari i Kuvendit të Kosovës,

akademik Nexhat Daci